

PEGO YA KOPANO YA KGOTLA

Lefelo: Kgotla ya Bosele

Letsatsi: 04 Tlhakole 2026

Kgaolo: Bosele

E rulagantswe ke: Lephata la Social and Community Development (SCD)

Go ne ga tshwarwa kopano ya kgotla kwa Kgotleng ya Bosele ka la 04 Tlhakole 2026, e e neng e rulagantswe ke Lephata la Social and Community Development (SCD) la kgaolo ya Bosele. Maikaelelo a kopano e ne e le go buisana ka mekgwa e mesha ya dituelo, morago ga gore tomalano (Contract) ya Smart Switch Card le goromente e fele ka Sedimonthole 2025.

Kopano e ne e tsenetswe ke ba ba latelang:

- Rre Mokhanselara wa kgaolo ya Molapo Thusu Magate
- Rre Mokhanselara wa kgaolo ya Bosele Poifo Ditshwene
- Rre Thutego Zulu
- Mmasekaseka Gaone Ramasedi (Mma-Boipelego)
- Komberse Monyatse
- Miss Sandy Botshake
- Mmasekaseka Mbinda
- Miss Molapong
- Miss Mbaeva
- Miss Molale

Mo puong ya gagwe, Mme Gaone Ramasedi o itsise morafe gore Smart Switch Card (Zebra Card) e khutlisitswe semmuso ka Sedimonthole 2025. O ne a tthalosa gore kopano e e biditswe go kgobokanya dikakanyo le megopolo e mesha ya mekgwa e mesha ya dituelo.

O ne a tswelela a itsise gore mo dikgweding tse pedi tse di latelang, dituelo di tla dirwa ka tsamaiso ya dipampiri. Baamogedi ba thuso ba tla tlatsa foromo kwa ofising ya Mma-Boipelego kwa Bosele, mme pampiri eo e tla dirisiwa go reka dijo kwa lebenkeleng lepe fela.

Ka gone Bosele e na le bontsi jwa batho ba letso la sesarwa, go tla dirisiwa basha kgotsa makawana go thusa ka thanolo ya puo ya Sesarwa gore tsotlhe di tthaloganngwe sentle.

Go ne ga itsisiwe gape ka diphetogo mo kabo ya dijo tsa dikhutsana le ba ba batlhoki. Mo tsamaisong e ntsha, thuso ya dijo e tla abewa ka mokgwa wa go akaretisa palo ya bana, sekai:

- Dikhutsana di le 4 = P1,000.00
- Dikhutsana di le 5 = P1,300.00

Mantswe a tebogo a ne a tswa ka Motlotlogi Rre Thusu Magate, yo o neng a gakolola gore setšhaba se dumalane gore dituelo mo isagong di dirwe ka "Mobile Wallet" jaaka Orange Money le Smega, mme a kopa morafe go dirisa dithuso ka boikarabelo le go kwadisa bana botlhe ba dikhutsana le ba ba batlhoki kwa Mma-Boipelego.